

¡BOMBA!

En la Cámara, primero, se indica a legisladores: con cadenas de favores es que se mantiene el fuero



K'untzil

Miércoles 26 de marzo de 2025

CAMPECHE · YUCATÁN · QUINTANA ROO · AÑO 10 · NÚMERO 2445 · www.lajornadamaya.mx

Israele' tu cha'aj palestinoil máak tu náajaltaj Oscar loobilta'ab tumen colonos te'el Cisjordania'

Ts'íib yéetel oochel Ap / 21



Israeil jo'olpóopo'obe' tu jáalk'abto'ob palestinoil jbeet cha'an tu náajaltaj jump'éeel Oscar, k'ala'ab tumen ejército tu jo'oloj loobilta'ak tumen colonos judíos tu kaajil Cisjordania. Ichil ba'ax a'alab tumen u yatane', jach lo'oloxa'ab aktáan u yotoch ka'alikil leti'e' táan u táabsik ba'ax ku yúuchul.

Hamdan Ballal yéetel uláak' máaxo'ob jo'olbes No Other Land, tu'ux ku chíikbesa'al talamilo'ob

yaan ti'al máaxo'ob kuxa'an tu yáamil israelil muuk'e', tu k'amajo'ob tu 97 u téenal u beeta'al u noj chíimpolal Premios de la Academia, tu noj kaajil Los Ángeles, ti'al u káajbal u winalil marzo ka tu náajaltaj chíimpolal tumen u asab ma'alobil documental le tu beetajo'obo'.

Le martes máaniko', yéetel u yéek'kume'enil u yich, beyxan k'i'ik'el tu nook'e', cha'ak'abta'abij.

Leti' yéetel uláak' ka'atúul palestinoil máak láayli' xan loobilta'abo'ob ka'aj anchaj u biinsa'alo'ob ti' jump'éeel kúuchil ts'akyaj naats' te'elo'.

Ballale' tu ya'alaj k'ala'ab ti' jump'éeel base militar, ts'o'oke' beeta'ab u wenel tu yáam jump'éeel aire acondicionado jach siis.

"Pixa'ab in wich 24 horas" tu ya'alaj ti' The Associated Press. "Bul áak'ab siis. Jump'éeel cuarto, ma' páatchaj in

wilik mix ba'ali'... tin wu'uyaj u t'aan le soldadoso', tu che'ejtikeno'ob'.

Lea Tsemel, u abogadail le óoxtúul máako'obo', tu ya'alaj chéen tu k'amajo'ob u jach p'iitil atención yóok'olal le loobilaj beeta'ab ti'obo', yéetel leti' bine' ma' béeychaj u t'aan yéetelo'obi'.

Yáax a'alabe', taka'ab u poolo'ob tumen tu ch'ino'ob bin juntúul táankelem colono, ba'ale' leti'obe' ku ya'aliko'ob ma' jaaji'.